

○師將圓寂謂衆曰吾有開名在世誰為吾除得衆皆無對時沙彌出曰請和尚法號師曰吾開名已謝石霜云無人得它肯雲巖云若有開名非吾先師曹山云從古至今無人辨得踈山云龍有出水之機無人辨得

○問和尚違和還有不病者也無師曰有僧曰不病者還看和尚也無師曰老僧看字有分曰和尚爭得看它師曰老僧看時不見有分○師又曰離此殼漏子向什麼處與吾相見衆

無對

○唐咸通七年三月命剃髮衣令繫緝僧於化時大衆擁擁移身師忽開目而起曰夫出家之人心不附物是真修行等法道心在於悲何有乃召主事僧令辨愚癡齋一由蓋責其戀情也衆猶戀慕不已延至七日晨具方備師亦隨齋畢曰僧家勿事大率臨行之際喧動如斯至八日浴訖端坐長往壽六十有三臘四十二教謚悟本大師塔曰慧覺師

昔在泐潭尋譯大藏纂出大乘經要一卷激
勵道俗偈頌誡等流布諸方

涿州杏山鑿洪禪師

臨濟問如何是露地白牛師曰吽濟曰啞却
杏山口師曰老兄作麼生濟曰這畜生師乃
休與石室問答如彼章出之

○師有五詠十秀皆暢玄風滅後茶毗收五色
舍利

潭州神山僧密禪師

師在南泉打羅次南泉問作什麼師曰打羅
曰汝以手打脚打師曰却請和尚道南泉曰
分明記取向後遇明眼作家但恁麼舉似雲
岩代云無手脚者始解打

○師與洞山渡水洞山曰莫錯下脚師曰錯即
過不得也洞山曰不錯底事作麼生師曰共
長老過水

○一日與洞山鋤茶園洞山放下鑿頭曰我今
日因一點氣力也無師曰若無氣力爭解恁

麼道得洞山曰汝將謂有氣力者是也

○裴大夫問僧供養佛還喫否僧曰

如大夫祭家神大夫舉似雲岩雲岩代曰有

幾般飴食但一時下來雲岩却問師一時下

來後作麼生師曰合取鉢五岩肯之

○僧問如何是無所聞者乃曰聽經師曰要會

麼僧曰要會師曰未解聽經在

○問一地不見二地如何師曰汝真錯否汝是

何地

○有行者問生死事乞師一言師曰汝何時生

死去來曰某甲不會請師說師曰不會須死

一場去

幽谿和尚

僧問大用現前不存執則時如何師起繞禪

床一布而坐僧欲進語師與一蹋僧歸位而

立師曰汝恁麼我不恁麼汝不恁麼我却恁

麼僧再擬進語師又與一蹋曰三十年後吾

道大行

前華亭船子德誠禪師法嗣

澧州來山善會禪師

廣州峴亭人也姓康氏九歲於潭州龍牙山出家依年受戒往江陵聽習經論該練三學遂叅禪會啓力叅承初住澧州一夕道吾策杖而至遇師上堂

僧問如何是法身師曰法身無相曰如何是法眼師曰法眼無瑕

師又曰目前無法意在目前不是目前法非

耳目所到道吾大笑師乃生疑問吾何笑吾曰和尚一等出世未有師可往

浙中華亭縣叅船子和尚去師曰訪得獲否道吾曰彼師上無片瓦遮頭下無卓錫之地師遂易服直詣華亭會船子鼓櫂而至師資道契微朕不留語見船子章

○師比遁世忘機尋以學者交法廬室星布曉夕叅依

○唐咸通十一年庚寅海衆下于夾山遠成院

宇師上堂

示衆曰夫有祖以來時人錯會相承至今以佛祖句為人師範如此却成狂人無智人去他只指示汝無法本是道道無一法無佛可成無道可得無法可捨故云目前無法意在目前他不是目前法若向佛祖邊學此人未有眼目皆屬所依之法不得自在本只為生死茫茫識性無自由分千里萬里求善知識須有正眼永脫虛謬之見定取目前生死為

復實有為復實無若有人定得許汝出頭上根之人言下明道中下根器波浪浪走何不向生死中定當取何處更疑佛疑祖替汝生死有智人笑汝偈曰

勞持生死法唯向佛邊求目前迷正理撥火覓浮漚

○僧問從上立祖意教意和尚此間為什麼言無師曰三年不食飴目前無饑人曰既無饑人某甲為什麼不悟師曰只為悟迷却闍梨

師說增四

明明無悟法悟法却迷人長舒兩脚睡無偽
亦無真

○僧問如何是道師曰太陽溢目萬里不挂片
雲曰如何得會師曰清清之水游魚自迷

○問如何是本師曰飲水不迷源

○問古人布髮掩泥當為何事師曰九鳥射盡
一箭猶存一箭墜地天下不黑

○問祖意與教意同別師曰

風吹荷葉滿地青十里行人較一程

○師有小師隨侍日久師住後遣令行脚游歷
禪肆無所用心聞師聚衆道播地室迴歸省

覲而問曰和尚有如是奇特事何不早向某
甲說師曰汝蒸餅吾着火汝行益吾展鉢什

麼處是辜負汝處小師從此悟入

師一日喫茶了自烹一椀過與侍者侍者擬
接師乃縮手曰是什麼侍者無對

○有一大德來問師若是教意某甲即不疑只

如禪門中事如何師曰老僧也只解變生為
孰大德無語

○問如何是實際之理師曰
石上無根樹山舍不動雲

○問如何是出窟師子師曰
虛空無影像足下野雲生

○西川首座遊方至白馬舉華嚴教語問曰
塵舍法界無邊時如何白馬曰如鳥三翼如
車二輪首座曰將謂禪門別有奇特事元來

不出教乘乃迴本地尋嚮夾山盛化
遺小師持前語問師師曰雕沙無鏤玉之語
結草乘道人之思小師迴舉似首座首座乃
讚將謂禪門與教意不殊元來有奇特之事
○問如何是夾山境界師曰

猿抱子歸青嶂裏鳥銜花落碧岩前

○師再闢玄樞迨於一紀唐中和元年辛丑十
一月七日召主事曰吾與衆僧話道累歲佛
法深旨各應自知吾今幻質時盡即去汝等

善保護如吾在日勿得雷同世人輒生惆悵
言訖至子夜奄然而逝其月二十九日塔于
本山壽七十七臘五十七教謚傳明大師塔
曰永濟

前舒州投子山大同禪師法嗣

投子感溫禪師 第二世住

僧問師登寶座接示何人師曰如月覆千溪
僧曰恁麼即滿地不虧也師曰莫恁麼道
○僧問父不投為什麼却投子師曰豈是別人

屋裏事僧曰父與子還屬功也無師曰不屬
曰不屬功底如何師曰父子各自脫曰為什
麼如此師曰汝與我會

○師遊山見蟬蛻殼侍者問曰殼在這裏蟬子
向什麼處去也師拈起殼就耳畔搖三五下
作蟬響聲其僧於是開悟

福州牛頭微禪師

師上堂示衆曰三世諸佛用一點伎倆不得
天下老師口似匾擔諸人作麼生大不容易

除非知有莫能知之

○僧問如何是和尚家風師曰山禽粟米飴野菜淡黃齋僧曰忽遇上客采又作麼生師曰喫即從君喫不喫任東西

○問不問驪龍領下珠如何識得家中寶師曰忙中爭得作閑人

西山青城香山澄照大師

僧問諸佛有難向火燄藏身未審衲僧有難向什麼處藏身師曰水精瓦裏着波斯

○問如何是初生月師曰太半人不見

陝府天福和尚

僧問如何是佛法大意師曰

黃河無滴水華岳總平治

濠州思明和尚

師在投子衆時有僧問如何是上座沙彌童行師曰諾

○僧問如何是清淨法身師曰屎裏蛆兒頭出頭沒

鳳翔府拈福和尚

僧問東牙烏牙皆出隊和尚為什麼不出隊
師曰住持各不同闍梨爭得怪

興元府中梁山遵古禪師

問空劫無人能問法即令問法法何安師曰
大悲菩薩龕裏坐

○問如何是祖師西來意師曰道士檐漏卮
襄州谷隱和尚

僧問如何是不觸白雲機師曰

鶴帶鷓鴣顏浮生不棄

安州九峻山和尚

僧問如何是佛師曰即汝是

○問遠聞九峻及至到來只見一峻師曰闍梨
只見一峻不見九峻曰如何是九峻師曰
水急浪花籠

盤山和尚 幽州第二世住

僧問如何出得三界師曰在裏頭來多少時
耶曰如何出得師曰青山不礙白雲飛

○問承教有言如化人煩惱如石女兒此理如
何師曰闍梨直如石女兒去

安州九峻敬慧禪師 第二世住

僧問解脫深坑如何過得師曰不求過僧曰
如何過得師曰求過亦非

東京觀音琬巖俊禪師

邪臺人也姓廉氏初參祖席徧歷禪窟
嘗經鳳林深谷欵觀珍寶發現同侶相顧
將取之師曰古人鋤園觸黃金若瓦鏤待五

乾德丙寅三月示疾垂誡明人訖抬顏合掌
而滅壽八十五臘六十五其年四月八日塔

于東郊豐臺村

前鄂州平山令遵禪師法嗣

蘄州三角山令珪禪師

初叅清平清平問曰來。麼師曰來禮拜曰
禮拜阿誰師曰特來禮拜和尚清平吐曰言
鈍根阿師師乃禮拜清平於師頸上以手
一下師從此聖人密領宗旨



國家圖書館 NATIONAL CENTRAL LIBRARY, TAIWAN, R.O.C.



諸仰山纔入門提起坐具白和尚仰山取拂
子擬舉之師曰不妨好手

○後叅德山和尚執坐具上法堂瞻視德山曰
作麼師咄之德山曰老僧過在什麼處師曰
兩重公案乃下叅堂德山曰這箇阿師稍似
箇行脚人至來日上問訊德山曰閣梨是昨
日新到否曰是德山曰什麼處學得這虛頭
未師曰全訟終不自護德山曰他後不得辜
負老僧

○他日叅師入方丈門側身問是凡是聖德山
喝師禮拜

有人舉似洞山洞山曰若不是豁上座大難
承當師聞之乃曰洞山老人不識好惡錯下
名言我當時一手擡一手搦

○雪峯在德山作飯頭一日飯遲德山擊鉢下
法堂雪峯曬飯而次見德山乃曰鐘未鳴鼓
未打老和尚向什麼處去德山却歸方丈師
在堂中間之拊掌曰大小德山猶未會未後

句德山聞舉令侍者喚巖頭去問你不肯老
僧巖頭密啓其意

師未日上堂說話里於尋常巖頭到僧堂撫
掌大笑云且喜得堂頭老漢會末後句他後
天下人不奈何雖然如是也祇得三年三年
後果然遷化矣

○一日與靈峯義存欽山文遠三人聚話存默
然忽指一椀水遠云水清月現存曰水清月
不現師踢却水椀而去

○自此遂於洞山存豁二士同嗣德山

○師與存同辭德山德山問什麼處去師云
辭和尚下山去德山云子他後作麼生師云
不忘日子憑何有此說師云豈不聞智慧過
師方傳師教其或智慧齊等他後恐減師半
德曰如是如是當善護持二士禮拜而退

○存返閩川居烏骨山之靈峯

師庵于洞庭卧龍山徒侶臻萃

僧問無師還有出身處也無師曰聲前古堯

問堂堂來時如何師曰刺破眼

問如何是祖師意師曰移取廬山來向汝道

師一日上堂謂諸徒曰吾嘗究涅槃經七八年觀三兩段文似細僧說話又曰休休

時有一僧出禮拜請師舉師曰吾教意如伊字三點

第一向東方下一點點開諸菩薩眼

第二向西方下一點點諸菩薩命根

第三向上方下一點點諸菩薩頂此是第一段義

又曰吾教意如摩醯首羅劈開面門豎亞一隻眼此是第二段義

又曰吾教意如毒塗鼓擊一聲遠近聞者皆喪亦云俱死此是第三段義

時小嚴上座問如何是毒塗鼓師以兩手按膝亞身曰韓信臨朝底嚴無語

夾山會下有一僧到石霜入門便道不審石

霜曰不必閉梨僧曰恁麼即玆重

○又到巖頭如前道不審師曰噓僧曰恁麼即玆重方迴步師曰雖是後生亦能管帶其僧歸舉似夾山夾山曰大衆還會麼衆無對夾山曰若無人道老僧不惜兩莖眉毛道去也乃曰石霜雖有殺人刀且無活人劍

○師與羅山下塔基羅山中路忽云和尚迴顧曰作麼羅山舉手曰這裏好片地師曰咄爪州賣爪漢又行數里徘徊問羅山禮拜問曰

和尚豈不是三千年前在洞山而不肯洞山師曰是又曰和尚豈不是法嗣德山又不肯德山師曰是曰不肯德山即不問只如德山有何所闕師良久曰洞山好箇佛只是無光○僧問利劍斬天下誰是當頭者師曰暗擬再問師咄曰這鈍漢出去

○問不歷古今時如何師曰卓朔地曰古今事如何師曰任爛

○師問僧什麼處來曰西京來師曰黃巢過後

還救得劍魔曰收得師作引頸受刃聲僧曰
師頭落也師大笑其僧後到雪峯舉前語被
拄杖打趣下山

○問二龍爭珠誰是得者師曰俱錯

○僧問雪峯聲聞人見性如夜見月菩薩人見
性如晝見日未審和尚見性如何峯以拄杖
打三下其僧後舉前語問師師與三摑

○問如何是三界主師曰汝還解喫鐵棒麼

○問如何是毗盧師師曰道什麼瑞巖再問之

師曰汝年七十八未

○問塵中如何辨主師曰銅鈔羅裏成油

○問弓折箭盡時如何師曰去

○問如何是巖中的的意師曰謝指示僧曰請
和尚答話師曰珍重

○問如何是道師曰破草鞋與拋向湖裏着

○問萬丈井中如何得到底師曰吽僧再問師
曰脚下過也

○問古帆不挂時如何師曰後園驢喫草

○後人或問佛問法問道問禪者師皆作噓聲而翻常衆曰老漢去時大吼一聲了去

○唐光啓之後中原盜起衆皆避地師端居晏如也一日賊大至責以無供饋遂持刃馬師神色自若大叫一聲而終聲聞數十里即光啓三年丁未四月八日也門人後焚之獲舍利四十九粒衆為起塔壽六十僖宗諡清嚴大師塔曰出塵

福州靈峯義存禪師

泉州南安人也姓曾氏家世奉佛師生惡董茹於襁褓中間鐘梵之聲或見幡花像設必為之動容年十二從其父遊莆田玉潤寺見慶玄律師遽拜曰我師也遂留侍焉十七落髮謁芙蓉山常照大師照撫而器之

後往幽州寶刹寺受具足戒久歷禪會緣契

德山

唐咸通中廻闕中登

骨山靈峰創院徒侶翕然

聽宗賜號真覺大師仍賜袈裟

○僧問祖意與教意是同是別師曰雷聲震地
室內不聞又曰聞梨行脚為什麼事

○問我眼本正因師故邪時如何師曰迷途
磨曰我眼何在師曰得不從師

○問剃髮染衣受佛依陰為什麼不許認佛
曰好事不如無

○師問坐主如是兩字盡是科文作麼生是
文坐主無對五雲和尚代云更分三

○問有人問三身中那箇身不墮諸教古人云
吾嘗於此切意者如何師曰老漢九轉上洞
山僧擬再問師曰拽出此僧著

○問如何觀面事師曰千里未是
○問如何是大人相師曰瞻仰即有

○問文殊與維摩對談何事師曰義重也
○僧問寂然無依時如何師曰猶是病曰鞋
如何師曰船子下揚州

問承古有言師便作卧勢良久起曰問什麼

什麼罪過

○僧辭師問什麼處去曰禮拜徑山和尚去師曰徑山若問汝此間佛法如何作麼生道曰曰待問即道師以拄杖打

尋舉問道恁即鏡清順德大師這僧過在什麼處便喫棒恁曰問徑山得徹困也師曰徑山在浙中因什麼問得徹困恁曰不見道遠問近對師乃休東禪齋云那僧若會雲峯意為什麼被打若不會又打伊作什麼道遠

在什麼處鏡清雖即子父與他分新也六似成就其醜法還會麼直如雲峯便休是肯伊不肯伊

○師一日謂慧稜曰即畏懼也吾見瀉山問伊人問汝道仰山意作麼生稜曰若問諸聖出沒處恁麼道即不可師曰汝渾不肯認有人問汝作麼生道稜曰但道錯師曰是汝不錯稜曰何異於錯

○師問僧從什麼處來對曰離江西師曰江西
與此間相去多少曰不遙師豎起拂子曰還
隔這箇麼曰若隔這箇即送去也師便打

○問學人乍入叢林乞師指示箇入路師曰空
自碎身如微塵終不敢瞎却一僧眼

○問四十九年後事即不問四十九年前事
何師以拂子暮口打

○有僧辭去參靈雲問佛未出世時如何靈雲
舉拂子又問出世後如何靈雲亦舉拂子

僧却回師問閣梨近去返太速生僧曰某
到彼問佛法不相當乃迴師曰汝問什麼
僧舉前話師曰汝問我為汝道

僧便問佛未出世時如何師舉拂子僧禮拜
師便打後僧舉似玄沙玄沙云汝欲得會麼

我與汝說箇喻如人賣一片園東西兩邊
時總結契了也中心有箇樹子猶屬我

崇壽稱云為當打伊解處別有道理

祖云不是風動不是幡動仁者心動師曰大

小六祖師龍頭蛇尾好與二十拄杖時太原
孚上座侍立聞之咬齒師又曰我適來恁麼
道也好與二十拄杖雲居錫云什麼處是祖
師龍頭蛇尾便好喫棒只如雪峯自道我好
喫拄杖且道佛法意旨作麼生久在衆上座
無有不知機兄弟且作麼生會東禪齊去麼
峯恁麼道為當檢點別有下落處衆中云作
抽過抽過且當置祖師道不是風動不是幡
動作麼生

○師問慧全汝得入處作麼生全曰共和尚商
量了師曰什麼處商量曰什麼處去來師曰
汝得入處又作麼生全無對師打之
○全坦問平洋淺草麋鹿成群如何射得麋
主師喚全坦坦應諾師曰喫茶去
○師問誰有僧禮拜師打五棒僧曰過在什麼
處師又打五棒喝出

○師問僧什麼處來僧曰嶺外來師曰還幾
磨也無僧曰青天白日師曰自己作麼生僧

曰更作什麼生師便打

○師送僧出行三五步召曰上座僧迴首師曰途中善為

○僧問拈提豎拂不當宗乘和尚如何師豎起拂子其僧自把頭出師乃不顧法眼云大衆看此一員戰將

○僧問三乘十二分教為凡夫開演不為凡夫開演師曰不消一曲楊柳枝

○師謂鏡清曰古來有老宿引官人處堂云此

一衆盡是學佛法僧官人云金屑雜貴人作麼生老宿無對鏡清代曰比來拋磚引玉法眼別云官人何得貴耳而賤目

○師上堂舉拂子曰這箇為中下人佛曰上座人來如何師舉拂子僧曰這箇為中下人佛曰之趁出

○問國師三喚侍者意旨如何師乃之便入方丈

○師問僧今夏在什麼處曰涌泉師曰長時

暫時涌曰和尚問不着師曰我問不着曰是師乃打之

○因普請往莊中路逢獼猴師曰這箇畜生一箇背一面古鏡摘山僧稽首僧曰獼猴無名為什麼竟為古鏡師曰蝦生也僧曰有什麼死急話端也不識師曰老僧罪過

○閩帥施銀交床僧問和尚受大王如此供養將何報答師以手托地曰少打我僧問某甲曰雪峯道少打我意作麼生疏山曰打上打

爪臺番尾曲根

○僧問吞盡毗盧時如何師曰福唐馬三尊吞
○師謂衆曰我若東道西道以則尋言逐句我若羚羊挂角汝向什麼處討尋僧問無福只如雪峯有句言教便似羚羊挂角時無福云真是與雪峯作小師不得麼

○師住閩川四十餘年學者冬夏不減一千五百人

○梁開平二年戊辰春三月示疾閩帥命醫診

視師曰吾非疾也竟不服其藥遺偈付法

○夏五月二日朝遊藍田暮歸澡身中夜入滅
壽八十七臘五十九

天台瑞龍院慧恭禪師

福州人也姓羅氏家世為儒年十七棄進士
隨計京師因遊終南山奉日寺略祖師遺像
遂求出家二十二受戒遊方

○謁德山鑒禪師鑒問曰會麼恭曰會
請相見恭曰識麼鑒大笑遂入室

○洎鑒順世與門人之天台瑞龍院大開法席

○唐天復三年癸亥十二月二日午時命衆徒

鐘顧左右曰去言訖跏趺而化壽八十四臘

六十二門人建塔

泉州瓦棺和尚

德山問曰汝還會麼師曰不會德山曰汝成

持取箇不會好師曰不會又成持箇什麼德

山曰汝大似箇鐵橛師遂摠衣德山

襄州高亭簡禪師

初隔江見德山遙合掌云不審德山以手中
扇子招之師忽開悟乃橫趨而去更不迴顧
後於襄州開法嗣德山

洪州大寧感潭資國和尚

白兆問家內停喪請師慰問師曰苦痛三天
兆曰死却爺死却娘師打而趨之
師凡遇僧來亦多以拄杖打趨之

前潭州石霜山慶諸禪師法嗣

河中南際山僧一禪師

僧問幸獲親近乞師指示師曰我若指示
屈著汝僧曰教學人作麼生即是師曰切忌
○僧問如何是衲僧氣息師曰還曾識汝也無
○問類即不問如何是異師曰要頭即一任
將去

○問如何是法身主師曰不過來

○又問如何是毗盧師師曰不超越

○師初居末山後闍帥請開法於長慶禪苑
謚本淨大師塔曰無塵

潭州大光山居誨禪師

京北人也姓王氏初造于石霜之室誨大師請
益經二載又令主址塔廡衣草屨殆忘身意
一日石霜將試其所得誨問曰國家每年以
舉人及第朝門還得拜也無師曰有
進曰憑何師曰且不為名
○石霜又因疾問曰除却今日別更有時也
師曰渠言不道今日是石霜甚然之如是
詰數四醉對無爽盤桓二十餘祀

○瀏陽信士胡公請居大光山提唱宗教

有僧問只如達磨是祖否師曰不是祖僧曰
既不是祖又來作什麼師曰為汝不為祖
曰薦後如何師曰方知不是祖

○問混沌未分時如何師曰一代時教何難
師又曰一代時教只是收拾一代時人直
剝徹底也只是成得箇邊事汝不可便持
却衲衣下事所以道四十九年明不盡四十
九年標不起凡示學徒大要如此

○唐天復三年癸亥九月三日歸寂壽六十七
廬山棲賢懷祐禪師

泉州僊游人也受業於九座山陳禪師
學預石霜之室既承與吉居于謝山其道不
振復遷止棲賢徒侶臻萃

○僧問如何是五老峯前白師曰萬古千秋猶
曰恁麼莫成嗣絕也無師曰躊躇欲與誰
○僧問自遠而來請師激發師曰他不馮時
請師憑時師曰我亦不換

○問如何是法法無差師曰塵上更加霜
○師後終于廬山謚玄悟大師塔曰德燈
筠州九峯道虔禪師

福州侯官人也姓劉氏徧歷法會後受石霜
印記化徒於九峯焉

師上堂有僧問無間中人行什麼行師曰當
生行曰畜生復行什麼行師曰無間行曰此
猶是長生路上人師曰汝須知有不共命者
曰不共什麼命師曰長生氣不常師又曰諸

兄還識命麼欲知命流泉是命湛寂是身
千波競涌是文殊境界一巨晴空是普賢
榻其次惜一句子是指月於中事是話月
從上宗門中事如節度使信旗且如諸方大
德未建許多名目指陳已前諸兄弟約什麼
體格商量到這裏不假三寸試話會意不假
耳根試采聽者不假眼力試辨白者所以道
聲前拋不出句後不藏刑盡乾坤都是法
當人箇體向什麼處安眼耳鼻舌莫但向意

根下圖度作解盡未來際亦未有休歇分所
以古人道

擬將心意學玄宗狀似西行却向東
時有僧問九重無信恩教何來師曰流光
徧闍內不周曰流光與闍內相去多少師曰
添水騰波青山秀色

○問人人盡言請益未審師將何拯濟師曰汝
道巨岳還曾之寸土也無曰恁麼即四海
尋當為何事師曰演若迷頭心自狂曰還

不狂者也無師曰有曰如何是不狂者師曰
突曉途中眼不開

○問如何是學人自己師曰更問阿誰曰德麼
便承當時如何師曰須彌還更戴須彌麼

○問祖祖相傳復傳何法師曰釋迦慳迦耆音
曰畢竟傳底作麼生師曰同歲老人分夜燈

○問諸佛非我道如何是我道師曰我道非諸
佛曰既非我佛為什麼却立我道師曰適聞
暫喚來如今却遣出曰為什麼却遣出師曰

若不遣出眼裏塵生

○問一切處覓不得豈不是聖師曰是什麼聖
曰牛頭未見四祖時豈不是聖師曰是聖麼
未忘曰二聖相去幾何師曰

塵中雖有隱形術爭柰全身入帝鄉

○問承古言真心妄心是如何師曰是立真
妄曰如何是真心師曰不雜食曰如何是妄
心師曰攀緣起倒是曰離此二途如何是學
人本體師曰本體不離曰為什麼不離師曰

不敬功德天誰嫌黑暗女

○問承古有言盡乾坤都來是箇眼如何是乾
坤眼師曰乾坤在裏許曰乾坤眼何在師曰
正是乾坤眼曰還照燭也無師曰不借三光
勢曰既不借三光勢憑何喚作乾坤眼師曰
若不如是髑髏前見鬼人無數

○問一筆丹青為什麼遊不得師曰僧徒
誌公曰未審僧繚得什麼人證旨却許誌
師曰烏龜背須彌柱

○問動容沈古路身沒乃方知此意如何師曰
偷佛錢買佛香曰學人不會師曰不會即燒
香供養本爺娘

○師後住泐潭而終謚大覺禪師塔白圓寂
台州涌泉景欣禪師

泉州僊遊人也本白雲山受業得石霜闢示
而止丹丘涌泉之闍若

一日師不披袈裟喫飯有僧問莫成俗否師
曰即今豈是僧耶

○有強德一禪客到於路次見師騎牛不識師
乃曰蹄角甚分明爭柰騎者不識師驟牛而
去二禪客憇於樹下煎茶師迴下牛近前不
審與坐喫茶師問曰二禪客近離什麼處曰
離那邊師曰那邊事作麼生彼提起茶觥師
曰此猶是這邊那邊事作麼生二人無對師
曰莫騎者不識好

潭州雲蓋山志元號圓淨大師

遊方時問雲居曰志元不柰何時如何

曰闍梨只為功力不到處師不禮拜而退
○遂叅石霜亦如前問石霜曰非但闍梨老僧
亦不柰何師曰和尚為什麼不柰何石霜曰
老僧若柰何拈拄杖汝不柰何別有問者石霜
章見之

○有僧問如何是佛師曰黃面底是曰如何是
法師曰藏裏是

○問然燈未出時如何師曰味不得

○問蛇子為什麼吞蛇師曰通身色不同

○問如何是衲僧師曰叅尋訪道

潭州谷山藏禪師

僧問祖意教意是一是二師曰青天白日夜半濃霜

福州覆船山洪符禪師

僧問如何是本來面目師閉目吐舌又開目吐舌僧曰本來有許多面目師曰適來闍梨見什麼

○問路逢達道人不將語默對未審將什麼對

師曰老僧也恁麼

○師將示滅三日前令侍者喚第一座來師卧出氣一聲第一座喚侍者曰和尚渴要湯水喫師乃面壁而卧臨終令集衆乃展兩手出舌示之時第三座曰諸人和尚舌根硬也師曰苦哉苦哉誠如第三座所言舌根硬去也再言之而告寂謐紹隆大師塔曰廣濟

朗州德山存德號慧空大師 第六世住

僧問如何是一句師曰更請問

○問如何是和尚德陀婆師師曰
昨夜三更見月明

吉州崇恩和尚

僧問祖意教意是一是二師曰一
少林雖有月葱嶺不穿雲

石霜輝禪師 第三世住

僧問佛出世先度五俱輪和尚出世先度何
人師曰總不度曰為什麼不度師曰為伊不
是五俱輪

○問如何是和尚家風師曰竹籜瓦椀
鄂州芭蕉和尚

僧問從上宗乘如何舉唱師曰
已被冷眼人覷破了

○問不落諸緣諸師直指師曰有問有答

○問如何是和尚為人一句師曰
只恐闍梨不問

潭州肥田伏和尚號慧覺大師

僧問此地名什麼師曰肥田曰宜什麼師以

拄杖打而趣之

潭州鹿苑暉禪師

僧問不假諸緣請師道師敲火爐僧曰親切處更請一言師曰莫睡語

○問牛頭未見四祖時如何師曰如月在水曰見後如何師曰如水在月

○問祖祖相傳未審傳箇什麼師曰汝問我我問汝僧曰恁麼即繼續不分也師曰什麼處去來

潭州寶蓋約禪師

僧問寶蓋高挂其中事若何請師言下旨一句不消多師曰寶蓋挂空中有路不曾通儻求言下旨便是有西東

越州雲門山拯迷寺海晏禪師

僧問如何是衲衣下事師曰如人咬硬石頭○問如何是古寺一爐香師曰廣大勿人覷曰覷者如何師曰六根俱不到久嚮拯迷到來為什麼不見拯迷師曰闍梨不識拯迷

湖南文殊和尚

僧問僧繇為什麼邀誌公不得師曰非但僧繇誌公也邀不成曰誌公為什麼邀不成師曰彩纈不將來曰和尚還邀得也無師曰我亦邀不得曰和尚為什麼邀不得師曰渠不以苟我顏色教我作麼生邀

○問如何是密室師曰緊不就曰如何是密室中人師曰不坐上牛

鳳翔府石柱和尚

遊方時過洞山和尚 第三世垂語曰有四種

人一人說過佛祖一步行不得一人行過祖佛一句說不得一人說得行得一人說不得行不得阿那箇是其人師出衆而對曰一人說過祖佛行不得者只是無舌不許行一人行過祖佛一句說不得者只是無足不許說一人說得行得者即是函蓋相稱一人說不得行不得若斷命而求活此是石女披枷帶鎖洞山曰闍梨自己作麼生師曰該通會上

卓卓寧彰洞山曰只如海上明公秀又作麼
生師曰幻人相逢撫掌呵呵

潭州中雲蓋和尚

僧問和尚開堂當為何事師曰為汝驢漢曰
諸佛出世當為何事師曰為汝驢漢

○問諸佛未出世時如何師曰像不得曰出世
後如何師曰闍梨也須側身始得

○問如何是向上一句師曰文殊失却口曰如
何是門頭一句師曰頭上插花子

問如何是超百億師曰超人不得肯

河中府棲巖山大通院存壽禪師

不知何許人也姓梅氏初講經論後入石霜
之室隨緣誘化抵于蒲坂緇素歸心

○僧問蓮華未出水時如何師曰汝莫問出水
後蓮華事麼僧無語

○師平居罕言叩之則應度弟子四百人尼衆
百數終壽九十有三謚真寂大師

南岳玄泰上座

不知何許人也沉靜寡言未嘗衣帛謂之素
布衲始見德山陞于堂矣後謁石霜普會禪
師遂入室焉

所居蘭若在衡山之東號七寶臺誓不立門
徒四方後進依附皆用交友之禮

○嘗謂衡山多被山民斬木燒畬為害滋甚乃
作會山謠遠邇傳播達于九重有詔禁止故
岳中蘭若無復然燎師之力也

○將示滅並無僧至乃自出門召一僧入付囑

令備薪蒸又留偈曰

今年六十五四大將離主其道自玄玄箇中
無佛祖不用剃頭不須澡浴一堆猛火千足
萬足偈終端坐垂一足而逝閣維收舍利於
堅固禪師塔左營小浮圖置之壽六十有五
前澧州夾山善會禪師法嗣

澧州樂普山元安禪師

鳳翔麟遊人也姓淡氏卅年出家依本郡懷
恩寺祐律師披削具戒通經論

首問道于翠微臨濟常對衆美之曰臨濟門下一隻箭誰敢當鋒師蒙許可謂自己足尋之夾山卓庵

後得夾山書發而覽之不覺竦然乃棄庵至夾山禮拜端身而立

夾山曰雞棲鳳巢非其同類出去師曰自遠趨風請師一接夾山曰目前無闍梨此間無老僧師曰錯也夾山曰住住闍梨且莫草草匆匆谿山各異雲月是同闍梨坐却天下人

舌頭即不無爭教無舌人解語師茫然無對夾山便打師因此服膺數載興化代云但知作佛莫愁衆生

○師一日問夾山佛魔不到處如何體會夾山曰燭明千里像閻室老僧迷

○又問朝陽已昇夜月不現時如何夾山曰龍嚼海珠游魚不顧

○夾山將示滅垂語於衆曰石頭一枝看看即滅矣師對曰不然夾山曰何也師曰自有青

山在夾山曰苟如是即吾道不墜矣

○暨夾山順世師抵于洛陽遇故人因話武陵
事故人問曰倏忽數年何處逃難師曰只在
闌闌中故人曰何不無人處去師曰無人處
有所難曰闌闌中如何逃避師曰雖在闌闌
中人且不識故人罔測

○有僧又問承西天有二十八祖至於此土一
傳一人且如彼此不傳曲者如何師曰野老
門前不話朝堂之事曰合談何事師曰未逢

別者終不開拳曰有不從朝堂來相逢還話
否師曰量外之機徒勞目擊僧無對

○師尋之澧陽樂普山下于宴處

後遷止朗州蘇谿四方玄侶憧憧奔湊師示
衆曰末後一句始到牢關瑣斷安津不通凡
聖欲知上流之士不將祖佛見解貼在額頭
如靈龜負圖自取喪身之本

又曰指南一路智者知疏

○問瞥然便見時如何師曰

曉星分曙色爭似太陽輝

○問恁麼來不立恁麼去不泯時如何師曰
鬻新樵子貴衣錦道人輕

○問經云餽百千諸佛不如餽一無修無證者
未審百千諸佛有何過無修無證者有何德

師曰一片白雲橫谷口幾多歸鳥夜迷巢

○問日未出時如何

師曰水竭滄溟龍自隱雲騰碧漢鳳猶飛

○問如何是本來事師曰一粒在荒田不耘苗

自秀僧曰若一向不耘莫草裏埋沒却也無

師曰肌骨異芻蕘稊稗終難映

○問不傷物命者如何師曰

眼花山影轉迷者謾彷徨

○問不談今古時如何師曰

靈龜無卦兆空殼不勞鑽

○問不挂明暗時如何師曰

玄中易舉意外難提

○問不生如來家不坐華王座時如何

汝道火爐重多少

○問祖意與教意是一是二師曰

獅子窟中無異獸象王行處絕狐蹤

○問行到不思議處如何師曰

青山常舉足白日不移輪

○問枯盡田獨立事如何師曰

鷺倚雪巢猶可辨烏投漆笠事難分

○問如何是賓主雙舉師曰

枯樹無橫枝鳥來難措足

○問終日朦朧時如何師曰

擲寶混沙中識者天然異曰恁麼即展手不

逢師也師曰莫將鶴唳悞作鶯啼

○問圓伊三點人皆樂樂普家風事若何師曰

雷霆一震布鼓聲銷

○問停午時如何師曰

停午猶虧半鳥沈始得圓

○問如何是西來意師曰

颯颯當軒竹經霜不自寒僧擬再問師曰

只聞風擊響不知幾千竿

○師上堂謂衆曰孫賓收鋪去也有卜者出來時有僧出曰請和尚一卦師曰汝家爺死僧無語法眼代撫掌三下

○問如何是西來意師敲禪床曰會麼曰不會師曰天上忽雷驚宇宙井底蝦蟆不舉頭

○問佛魔不到處如何辦得師曰演若頭非失鏡中認取乖

○問如何是救離生死師曰

執水為延生不聞天樂妙

○問四大從何而有師曰湛水無波漚因風擊曰漚滅歸水時如何師曰不渾不濁魚龍任躍

○問生死事如何師曰一念忘機太虛無點

○問如何是道師曰存機猶滯迹去瓦却通途○問如何是一歲收不得者師曰

雨滋三草秀片玉本來輝

○問一毫吞盡巨海於中更復何言師曰家有

白澤之圖必無如是妖怪保福別云家無白澤之圖亦無如是之怪

○問凝然時如何師曰時雷應節震岳驚蟄曰千般運動不異箇凝然時如何師曰

靈鶴翥空外鈍鳥不離巢曰如何師曰

白首拜少年舉世人難信

○問諸聖恁麼來將何供養師曰

土宿雖持錫不是婆羅門

○問祖意與教意是同是別師曰日月並輪空

誰家別有路曰恁麼即顯晦殊途事非一槩也師曰但自不亡羊何須泣岐路

○問學人擬歸鄉時如何師曰家破人亡子歸何處曰恁麼即不歸去也師曰

庭前殘雪日輪消室內游塵遣誰掃

○問動是法王苗靜是法王根根苗即不問如何是法王師舉拂子僧曰此猶是法王苗師曰龍不出洞誰人柰何

○師二山開法語播諸方

○唐光化元年戊午秋八月誠主事曰出家之法長物不留播種之時切宜減省締構之務悉從廢停流光迅速大道深玄苟或因循曷由體悟雖激勵懇切衆以為常略不相儆

○至冬師示有微疾亦不倦叅請十二月一日告衆曰吾非明即後也

○今有一事問汝等若道這箇是即頭上安頭若道這箇不是即斬頭求活時第一座對曰青山不舉足目下不挑燈師曰這裏是什麼

時節作這箇語話

時有彥從上座別對曰離此二途請和尚不問師曰未在更道曰彥從道不盡師曰我不管盡不盡曰彥從無侍者祇對和尚

師乃下堂至夜令侍者喚彥從入方丈曰閣梨今日祇對老僧甚有道理據汝合體先師意旨先師道目前無法意在目前不是目前法非耳目之所到且道那句是主句若擇得出分付鉢袋子曰彥從不會師曰汝合會但

道曰彥從實不知師喝出乃曰苦苦 玄覺云
且道從上座實不會是怕見鉢袋子粘着伊
二日午時別僧舉前語問師師自代曰
慈舟不掉清波上劍峽徒勞効木鷺便告寂
壽六十有五臘四十六塔于寺西址隅
洪州上藍令超禪師
初住筠州上藍山說夾山之禪學侶俱會後
於洪井創禪苑居之還以上藍為名化道於
是愈盛

○僧問如何是上藍本分事師曰

不從千聖借豈向萬機求曰只如不借不求
時如何師曰不可拈放汝手裏得麼

○問鋒前如何辨事師曰

鋒前不露影莫向舌頭尋

○問二龍爭珠誰是得者師曰

其珠徧地目覩如泥

○問善財見文殊却往南方意如何師曰

學憑入室知乃通方曰為什麼彌勒遣見文

殊師曰道廣無涯逢人不盡

○唐大順庚戌歲正月初召衆僧而告曰吾本約住十年今化事既畢當欲行矣十五日齋畢鐘端坐長徃謚元真大師塔曰本空

鄆州四禪和尚

僧問古人有請不背今請和尚入井還去也無師曰深深無別源飲者消諸患

○問如何是和尚家風師曰會得底人意須知月色寒

江西逍遙山懷忠禪師

僧問不似之句還有人道得否師曰或即五日齋前或即五日齋後

○問劔鏡明利毫毛何惑師曰不空罌索

○問洪爐猛燄烹鍛何物師曰烹佛烹祖曰佛祖作麼生意師曰業在其中曰喚作什麼業師曰佛力不如

○問四十九年不說一句如何是不說底一句師曰隻履西行道人不顧曰莫便是和尚消

傳處也無師曰馬是官馬不用印

○問如何是一老一不老師曰三從六義曰如何是奇特一句師曰坐佛床斫佛朴

○問祖與佛阿那箇最親師曰

真金不肯墻誰肯換泥丸曰恁麼即有不肯也師曰汝貴我賤

○問如何是懸劍萬年松師曰非言不可及曰當為何事師曰只汝道話曰言外之事如何明得師曰久年多筋骨成

○問不敵魔軍如何證道師曰海水不勞杓子舀

○問不住有雲山常居無底船時如何師曰果熟自然曰更請師道師曰門前真佛子曰學人為什麼不見師曰處處王老師

袁州盤龍山可文禪師

僧問亡僧遷化向什麼處去也師曰

石牛沿江路日裏夜明燈

○問如何是佛師曰癡兒捨父逃師

○後居上藍院

撫州黃山月輪禪師

福州福唐人也姓許氏志學之歲詣本郡黃蘗山寺投觀禪師稟教及圓戒品遂遊方抵淦水謁三峯和尚雖問答有叙而機緣靡契尋聞夾山盛化乃徃叩之

夾山問師名什麼師曰名月輪夾山作一圓相曰何似這箇師曰和尚恁麼語話諸方大有人不肯在曰貧道即恁麼闍梨作麼生師

曰還見月輪麼曰闍梨恁麼道此間大有人不肯諸方師乃服膺咨訊

○一日夾山抗聲問曰子是什麼處人師曰闍中人曰還識老僧否師曰和尚還識學人否曰不然子且還老僧草鞋價然後老僧還子江陵米價師曰恁麼即不識和尚未委江陵米作麼價夾山曰子善能哮吼乃入室受印依附七年方辭

徃撫州卜龍濟山隱居玄侶雲集

遂演夾山與昔名聞諸方

後歸臨川樂棲黃山謂諸徒曰吾居此山頗諧素志矣

○師上堂謂衆曰祖師西來特唱此事自是諸人不薦向外馳求投赤水以尋珠就荆山而覓玉所以道從門入者不是家珍認影為頭豈非大錯

○時有僧問如何是祖師意師曰梁殿不施功魏邦絕心迹

○問如何是道師曰

石牛頻吐三春霧木馬嘶聲滿道途

○問如何得見本來面目師曰不勞懸石鏡天曉自雞鳴

○問宗乘一句請師商量師曰

黃荃獨脫物外秀年來月往冷颼颼

○問不辨中言如何指接師曰

劍去遠矣爾方刻舟

○問如何是初衣下事師曰

石牛水上卧東西得自由

○問如何是目前意師曰秋風有韻片月無方

○問如何是學人用心處師曰

覺戶不掩對月莫迷

○問如何是青霄路師曰

鶴樓雲外樹不倦苦風霜

○問過去事如何師曰龍叫清潭波瀾自肅

○師住黃山僅十三載學者來無虛往以後唐

同光三年十二月二十一日示有微恙至二

十六日午時奄然坐化壽七十二臘五十三

明年正月二十日塔于院西北隅

洛京韶山寰普禪師

有僧到參禮拜起立師曰大才藏拙戶僧過

一邊立師曰喪却棟梁材師問僧莫是多口

白頭謹麼謹云不敢云多少口謹云通身是

師云尋常向什麼處倚謹云向韶山口裏倚

師云有韶山口向韶山口裏無韶山口向什

麼處倚謹無對師便打

○遵布衲山下見師乃問韶山在什麼處師云
青青鬱鬱處是遵云莫只這便是否師云是
即是闍梨有什麼事遵云擬伸一問未審師
還答否師云

看君不是金牙作爭解寧弓射尉遲遵云
鳳凰直入煙霄去誰拍林間野鵲兒師云
當軒畫鼓從君擊試展家風似老僧遵云
一句迥超今古格松蘿不與月輪齊師云
饒君直出威音外猶較韶山半月程遵云

在什麼處師云調蕩之辭時人知有遵云與
麼則真玉泥中異不撥萬機塵師云魯般門
下徒施巧妙遵云學人即與麼師意又如何
師云玉女夜拋梭寄錦於西舍遵云莫便是
和尚也無師云耕夫置玉漏不是行家作遵
云此是文言家風又若何師云
橫身當宇宙誰是出頭人遵不禮拜

○一日又問闍梨有衝天之計老僧有入地之
謀闍梨橫吞巨海老僧背負須彌闍梨橫劍

上來老僧亞擔相待向上一路連道連道導
云明鏡當臺請一鑒師云不鑒導云為什麼
不鑒師云淺水無魚徒勞下釣導無語師便
打導方禮拜

○師終後謚無畏大師

太原海湖和尚

因有人請灌頂三藏供養敷坐訖師乃就彼
位坐

時有雲涉座主問曰和尚什麼年行道師曰

座主近前來涉近前師曰只如憍陳如是什
麼年行道涉茫然師咄曰這屎床鬼

○僧問和尚院內人何太少定水院人何太多
師曰草深多野鹿巖高獬豸稀

嘉州白水寺和尚

僧問如何是西來意師云

四溟無窟宅一滴潤乾坤

○問曹谿一路合談何事師曰

澗松千載鶴來聚月中香桂鳳凰歸

鳳凰天蓋山幽禪師

僧問如何是天蓋水師曰

四海滂沱不犯清滴

○問學人擬看經時如何師曰

既是大商何求小利

洪州建昌鳳樓山安同和尚第一世住

僧問如何是和尚家風師云

金雞抱子歸霄漢玉兔懷胎入紫微僧云忽
遇客來將何祇待師云

金果早朝猿摘去玉華晚後鳳嚙來

○問終日在潭為什麼釣不得師云

玄源不隱無生寶莫謾垂釣向碧潭

○問澄機一句曉露不逢時如何師云

太陽門下無星月天子殿前無貧兒

○問如何是同安轉身處師云

曠劫不曾沈玉露目前豈滯太陽機

○問險惡道中如何進步師云

玄身透過千差路碧海無波徃即難

○問如何是衲衣下事師云

一片玉輪今古在豈同漁父夜釣沉

○問如何是大勿慙愧底人師曰

空王不坐無生殿迦葉堂前不點燈

萬僧問答景德傳燈全錄卷之十六



萬僧問答景德傳燈全錄卷之十七



古汴道原太師纂集

新安朝用汪士賢校

袁州洞山良价禪師法嗣

洪州雲居道膺禪師

幽州玉田人也姓王氏童牝依師稟教二十

五受具於范陽延壽寺

本師今習聲聞篇聚乃歎曰大丈夫豈可桎

梏於律儀邪乃去



NATIONAL CENTRAL LIBRARY, TAIWAN, R.O.C.

詣翠微山問道經三載一僧自豫章來盛稱
洞山价禪師法席師遂造焉

○洞山問曰闍梨名什麼曰道膺洞山云向上
更道師云向上道即不名道膺洞山云與吾
在雲巖時祇對無異也

○後師問如何是祖師意洞山云闍梨他後有
一把茅蓋頭忽有人問闍梨如何祇對曰道
膺罪過

○洞山有時謂師曰吾聞思大和尚生倭國作
王虛實曰若是思大佛亦不作泥手國三洞
山然之

○一日洞山問什麼處來師曰蹋山洞山曰何
那山堪住師曰阿那箇不堪住洞山曰恁麼
即國內總被闍梨占却也曰不然洞山曰恁
麼即子得箇入路師曰無路洞山曰若無路
爭得與老僧相見師曰若有路即與和尚隔
生去也洞山曰此子已後千人萬人把不住
○師隨洞山渡水洞山問水深淺曰不濕洞山

曰麓人師曰請師道洞山曰不乾

○洞山謂師曰昔南泉問講彌勒下生經僧曰彌勒什麼時下生曰見在天宮當來下生南泉曰天上無彌勒地下無彌勒師隨舉而問曰只如天上無彌勒地下無彌勒未審誰與安字洞山直得禪床震動乃曰膺閣梨

○師合醬次洞山問作什麼師曰合醬洞山曰用多少鹽曰旋入洞山曰作何滋味師曰得○洞山問大闍提人殺父害母出佛身血破和

合僧如是種種孝養何在師曰始得孝養自爾洞山許之為室中領袖

○初止三峯其化未廣後開雲居山四衆臻萃一日因上堂因舉古人云地獄未是苦向此架梁下不明大事失却最苦乃謂衆曰汝等既在這箇行流十分去九不較多也更着些力便是上座不屈平生行脚不辜負叢林古人道欲得保任此事須向高高山頂立深深水底行方有些子氣力汝若大事未辦且須

履踐玄途

○問如何是沙門所重師曰心識不到處

○問佛與祖有所階級師曰俱是階級

○問如何是西來意師曰古路不逢人

○可觀上座問的罷標指請師連接師曰即今作麼生觀曰道即不無莫領話好師曰何必

關梨

○問如何是口訣師曰近前來向汝道僧近前曰請師道師曰也知也知

○師擲痒和問衆還會麼衆曰不會師曰趁趁兒也不會

○問如何得不惱亂和尚師曰與我喚處德來僧遂去喚來師曰與我閉却門

○問焉祖出八十八人善知識未審和尚出多少人師展手示之

○問如何是向上人行履處師曰天下太平

○問遊子歸家時如何師曰且喜歸來曰將何奉獻師曰朝打三千暮打八百

○師謂衆曰如好獵狗只解尋得有蹤跡底忽
遇羚羊挂角莫道跡氣亦不識僧問羚羊挂
角時如何師曰六六三十六又曰會麼僧曰
不會師曰不見道無蹤跡有僧舉似趙州趙
州云雲居師兄猶在僧乃問羚羊挂角時如
何趙州云六六三十六

○衆僧夜叅侍者持燈來見影在壁上有僧便
問兩箇相似時如何師曰一箇是影

○問學人擬欲歸鄉時如何師曰只這是新羅

○僧問佛陀波利見文殊爲什麼却回去師曰
只爲不將來所以却回去師謂衆曰學佛法
底人如斬釘截鐵始得時一僧出曰便請和
尚釘鐵師曰口裏底是什麼

○僧問承教有言是人先世罪業應墮惡道以
今世人輕賤此意如何師曰動即應墮惡道
靜即爲人輕賤崇壽禪答云心外有法應墮
惡道守住自己爲人輕賤

○僧問香積之鉢什麼人得喫師曰須知得喫

底人入口也須挑出

○有一僧在房內念經師隔窻問曰閣梨念者是什麼經對曰維摩經師曰不問維摩經念者是什麼經其僧從此得入

○問孤迥且巍巍時如何師曰孤迥且巍巍僧曰不會師曰面前按山子也不會

○新羅僧問是什麼得什麼難道師曰有什麼難道曰便請和尚道師曰新羅新羅

○問明眼人為什麼黑如漆師曰何怪

○荆西黃度使成濟遣大將入山送僕問曰世尊有密語迦葉不覆藏如何是世尊密語師

曰曰尚書其人應諾師曰會麼曰不會師曰汝若不會世尊有密語汝若會迦葉不覆藏

○僧問才生為什麼不知有師曰不同生曰未生時如何師曰不曾滅曰未生時在什麼處師曰有處不收曰什麼人受滅師曰是滅不得者

○師謂衆曰汝等師家發言吐氣須有來由

凡問事須識好惡尊卑良賤信口無益傍家
到處覓相似語所以尋常向兄弟道莫怪不
相似恐同學太多去第一莫將來不相似八
十老人出場屋不是小兒戲一言參差千里
萬里難為收攝直至敲骨打髓須有來由言
語如鉗夾鉤鎖相續不斷始得頭頭上具物
物上新可不是精得妙底事道汝知有底人
終不取次十度擬發言九度却休去為什麼
如此恐怕無利益體得底人心如臘月扇口

邊直得醜出不是汝強為任運如此欲得恁
麼事須是恁麼人既是恁麼人何愁恁麼事
學佛邊事是錯用心假饒解千經萬論講得
天花落石點頭亦不干自己事况乎其餘有
何用處若將有限心識作無限中用如將方
木逗圓孔多少差訛設使攢花簇錦事事及
得及盡一切事亦只喚作了事人無過人終
不喚作尊貴將知尊貴邊着得什麼物不見
從門入者非寶捧上不成龍知麼師如是三

十年開發玄徒衆常及千五百之數

唐天復元年秋示微疾十二月二十八日為大衆開最後方便叙出世始卒之意衆皆愴然越明年正月三日跏趺長往今本山影堂存焉勅謚弘覺大師塔曰圓寂

撫州曹山本寂禪師

泉州莆田人也姓黃氏少慕儒學年十九出家入福州福唐縣靈石山二十五登戒

○唐咸通初禪會興盛會洞山价禪師坐道場

往來請益

○洞山問闍梨名什麼對曰本寂曰向上更道師曰不道曰為什麼不道師曰不名本寂洞山深器之

○師自此入室密印所解盤栢數載乃辭洞山洞山問什麼處去曰不變異處去洞山云不變異豈有去耶師曰去亦不變異遂辭去隨緣放曠

○初受請止于曹山後居荷王山二處法席學

者雲集

○問不與萬法為侶者是什麼人師曰汝道洪州裏許多人什麼處去也

○問眉與目還相識也無師曰不相識曰為什麼不相識師曰為同在一處曰恁麼即不分也師曰眉且不是目曰如何是目師曰端的去曰如何是眉師曰曹山却疑曰和尚為什麼却疑師曰若不疑即端的去也

○問於相何真師曰即相即真曰當何顯示師提起托子

○問幻本何真師曰幻本元真法眼別云幻本不真曰當幻何顯師曰即幻即顯法眼別云幻即無當曰恁麼即始終不離於幻也師曰覓幻相不可得

○問如何是常在底人師曰恰遇曹山暫出曰如何是常不在底人師曰難得

○僧清銳問某甲祿貧乞師拯濟師曰銳聞梨近前來銳近前師曰泉州白家酒三盞猶道

未沾唇

玄覺云什麼處是與他滴喫

○問擬豈不是類師曰直是不擬亦是類曰如何是異師曰莫不識痛痒

○鏡清問清虛之理畢竟無身時如何師曰理即如此事作麼生日如理如事師曰謾尊山一人即得急柰諸聖眼何曰若無諸聖眼爭鑒得箇不恁麼師曰官不容針私通車馬

○雲門問不改易底人來師還接否師曰青山無恁麼閑功夫

○人問古人云人人盡有弟子在塵蒙還有也無師曰過手來乃點指曰一二三四五足

○問魯祖面壁用表何事師以手掩耳

○問承古有言未有一人倒地不因地而起如何是倒師曰貴即是曰如何是起師曰起也

○問承教有言大海不宿死屍如何是海師曰包含萬有曰為什麼不宿死屍師曰絕氣者不著曰既是包含萬有為什麼絕氣不著師曰万有非其功絕氣有其德曰向上還有事

也無師曰道有道無即得爭柰龍王按劍何
○問具何知解善能對衆問難師曰不呈句曰
問難箇恁麼師曰刀斧斫不入曰能恁麼問
難還更有不肯者也無師曰有曰是什麼人

師曰曹山

○問無言如何顯師曰莫向這裏顯曰向什麼
處顯師曰昨夜三更床頭失却三文錢

○問日未出時如何師曰曹山也曾恁麼來曰
日出後如何師曰猶較曹山半月糧

○師問僧作什麼曰掃地師曰佛前掃佛後掃
曰前後一時掃師曰與曹山過鞞鞋來

○師問疆德上座曰菩薩在定聞香象渡河出
什麼經曰出涅槃經師曰定前聞定後聞曰
和尚流也師曰道也太殺道始道得一半曰
和尚如何師曰灘下接取

○問學人十二時中如何保任師曰如經盡毒
之鄉水不得沾着一滴

○問如何是法身主師曰謂秦無人曰這箇莫

便是否師曰斬

○問親近什麼道伴即得常聞於未聞師曰同
共一被蓋曰此猶是和尚得聞如何是常聞
於未聞師曰不同於木石曰何者在先何者
在後師曰不見道常聞於未聞

○問國內按劍者是誰師曰曹山法燈別云法
不是恁麼人曰擬殺何人師曰但有一切總
殺曰忽遇本生父母作麼生師曰揀什麼曰
爭奈自己何師曰誰奈我何曰為什麼不殺

師曰勿下手處

○問一牛飲水五馬不嘶時如何師曰曹山解
忌口又別云曹山老漢

○問常在生死海中沉沒者是什麼人師曰第
二月曰還求出離也無師曰也求出離只是
無路曰出離什麼人接得伊師曰擔鐵枷者
○僧舉藥王問僧年多少僧曰七十二藥山曰
是年七十二麼曰是藥山便打此意如何師
曰前箭猶似可後箭射人深僧曰如何免得

棒師曰正勅既行諸侯避道東禪齊云曹山
是明藥山意自出手為復別有道理還斷得
麼且如這僧舉問曹山伊還有會處麼忽爾
問上座年多少別作麼生祇對

○問如何是佛法大意曰填溝塞壑

○問如何是師子師曰衆獸近不得曰如何是
師子兒師曰能吞父母曰既是衆獸近不得
為什麼被兒吞師曰子若孝吼祖父母俱盡
曰只如祖父母還盡也無師曰亦盡曰盡後

如何師曰全身歸父曰前來為什麼道祖父
亦盡師曰不見道王子能成一國事枯木上
更採些子華

○問纔有是非紛然失心時如何師曰斬斬

○僧舉有人問香嚴如何是道答曰枯木裏龍
吟云不會曰鶻鶻裏眼睛後問石霜如何是
枯木裏龍吟石霜云猶帶喜在又問如何是
鶻鶻裏眼睛石霜云猶帶識在師因頌曰
枯木龍吟真見道鶻鶻無識眼初明喜識盡

傳燈錄
時消不盡當人那辨濁中清

其僧又問師如何是枯木裏龍吟師曰血脈不斷曰如何是髑髏裏眼睛師曰乾不盡曰未審還有得聞者無師曰盡大地未有一箇不聞曰未審龍吟是何章句師曰也不知道何章句聞者皆喪師如是啓發上機曾無就轍可尋

及受洞山至但銓量特為叢林標準

○時洪州鍾氏屢請不起但寫大梅和尚山居

頌一首答之

○天復辛酉季夏夜師問知事僧今是何日月對曰六月十五日師曰曹山一生行脚到處只管九月十日為一夏至明日辰時告寂壽六十有二臘三十有七門人奉真骨樹塔勅謚元證大師答曰福圓

洞山道全禪師第二世住亦云中洞山

初問洞山价和尚如何是出離之要洞山曰關梨足下煙生師言下契悟更不他遊雲居

膺進語云終不敢辜負和尚足下煙生洞山
步步玄者即是功利

暨价和尚圓寂衆請接踵住持海衆悅服玄
風不墜

○僧問佛入王宮豈不是大聖再來師曰護明
不下生僧曰既是大聖再來何更六年苦行
師曰幻入呈幻事曰非幻者如何師曰王宮
覓不得

○問清淨行者不入涅槃破戒比丘不入地獄
如何師曰度盡無遺影還他越涅槃

○問極目千里是什麼風範師曰是關梨風範
曰未審和尚風範如何師曰不布婆娑眼

湖南龍牙山居遁禪師

撫州南城人也姓郭氏年十四於吉州滿園
寺出家後往嵩岳受戒乃杖錫遊諸禪會
參翠微和尚問曰學人自到和尚法席一箇
餘月每日和尚上堂不蒙一法示誨意在於
何翠微曰嫌什麼有僧舉前語問洞山洞山

云關梨爭怪得老僧法眼別云祖師來也東
齊云此三人尊宿語還有親疎也無若有
阿那箇是親若無親疎眼在什麼處

○又謁德山問曰遠聞德山一句佛法及乎到
來未曾見和尚說一句佛法德山曰嫌什麼
師不肯乃造洞山如前問之洞山曰爭怪得
老僧師復舉德山頭落語因自省過遂止于
洞山隨衆參請

○一日問如何是祖師意洞山曰待洞水流
即向汝道師從此始悟厥昔復樞衣入稔

○受湖南馬氏請住龍牙山妙濟禪苑號證空
大師有徒五百餘衆法無虛席

上堂示衆曰夫參學人須透過祖佛始得
新豐和尚云祖教佛教似生怨家始有學分
若透祖佛不得即被祖佛謾去

時有僧問祖佛還有謾人之心也無師曰汝
道江湖還有礙人之心也無又曰江湖雖無
礙人之心為時人過不得江湖成礙人去不

得道江湖不礙人祖佛雖無謾人之心為時人透不得祖佛成謾人去不得道祖佛不謾人若透得祖佛過此人過却祖佛也始是體得祖佛意方與向上古人同如未透得但學佛學祖則萬劫無有得期

○又問如何得不被祖佛謾去師曰須自悟去
○師在翠微時問如何是祖師意翠微曰與我將禪板來師遂過禪板翠微接得便打師曰打即任和尚打且無祖師意

○又問臨濟如何是祖師意濟曰與我將蒲團來師乃過蒲團濟接得便打師即任和尚打且無祖師意

○後有僧問和尚行脚時問三尊宿祖師意未審三尊宿道眼明也未師曰明明也也要且無祖師意東禪齋云眾中道佛法即有只是無祖師意若恁麼會有何交涉別作麼生會無祖師意底道理

○問如何是道師曰無異人心是又曰若人體

得道無異人心始是道人若是言說則勿交
涉道者汝知打底道人否十二時中除却着
衣喫飯無絲髮異於人心無誑人心此箇始
是道人若道我得我會則勿交涉大不容易
○問如何是祖師西來意師曰待石烏龜解語
即向汝道曰石烏龜語也師曰向汝道什麼
○問古人得箇什麼便休去師曰如賊入空室
○問無邊身菩薩為什麼不見如來頂相師曰
汝道如來還有頂相麼

○問大庾嶺頭提不起時如何師曰六祖為什
麼將得去

○問二鼠侵藤時如何師曰須有隱身處始得
曰如何是隱身處師曰還見儂家麼

○問維摩掌擎世界未審維摩向什麼處立師
曰道者汝道維摩掌擎世界

○問有底人還有生死也無師曰恰似道者未
悟時

○問如何是西來意師曰此一問最苦 蘇慈云

此一問最好

○問祖意與教意同別師曰祖師在後來

○問祖師是無事沙門師曰若是沙門不得無事曰為什麼不得無事師曰覓一箇難得

○問蟾蜍無返照之光玉兔無伴月之意時如

何師曰堯舜之君猶有化在東禪齋云是什

麼是問訊與上座十二時中是什麼時節

○問如何得此身安去師曰不被別身謾始得法眼別云誰惱亂汝

○唐龍德三年癸未八月示有微疾九月十三

日夜半大星墮于方丈前詰旦端坐而逝壽

八十有九

京兆華嚴寺休靜禪師

師曾在樂普作維那白槌普請曰上問般柴

下問鋤地

○時第一座問聖僧作麼生師曰

當堂不正坐不赴兩頭機

○師在洞山時問曰學人未見理路未免情識

洞山曰汝還見理路也無曰見無理路洞山曰什麼處得情識來曰學人實問洞山曰恁麼須向萬里無寸草處立曰無寸草處還許立也無洞山曰直須恁麼去

○般柴次洞山把住柴問狹路相逢時作麼生曰及云何幸洞山曰汝記吾言汝向南住有一千人若向北住即三二百而已

○師初住福州東山之華嚴未幾屬後唐莊宗徵入犖下大闡玄風其徒果三百矣

○問祖意與教意同別師曰探盡龍宮藏象義不能詮

○問大悟底人為什麼却迷師曰破鏡不重照落花難上枝

○問大軍設天王齋求勝賊軍亦設天王齋求勝未審天王赴阿誰願師曰天垂雨露不揀榮枯

○一日車駕入寺燒香帝問曰這箇是什麼神師對曰護法善神帝曰沙汰時什麼處去來

師曰天垂雨露不為榮枯

○師後遊河朔於平陽示滅茶毗獲舍利建四
浮屠一晉州二房州三終南山逍遙園四終
南山華嚴寺勅謚實智大師無為之塔

京兆蜆子和尚

不知何許人也事迹頗異居無定所自印心
於洞山混俗於閩川不畜道具不循律儀常
日沿江岸採掇蝦蜆以充腹暮即卧東山白
馬廟紙錢中居民目為蜆子和尚華嚴靜師

聞之欲決真假先潛入紙錢中深夜師歸靜
把住問曰如何是祖師西來意師遽答曰神
前酒臺盤靜寺之懺謝而退

○後靜行化京都師亦至焉竟不聚徒演法惟
佯狂而已

筠州九峯普滿大師

問僧離什麼處曰閩中師曰遠涉不易曰不
難動步便到師曰有不動步者麼僧曰有師
曰爭得到此問僧無對師曰賺殺人

○問如何是和尚家風師曰即今是什麼曰學人不會師曰十字路上馬蘭花

台州幽棲道幽禪師

鏡清問如何是少父師曰無標的曰無標的以為少父耶師曰有什麼過曰只如少父作麼生師曰道者是什麼心行

○問如何是佛師曰汝不信是衆生日學人大信師曰若作勝解即受群邪

○師將示滅有僧問曰和尚百年後向什麼處

去師曰調然調然言訖坐亡

後洞山師虔禪師 第三世住也亦號青林和尚

初自夾山來叅先洞山价和尚問曰近離什麼處師曰武陵曰武陵法道何似此間師曰胡地冬抽笋价曰別甑炊香餅供養於此人師乃出去洞山曰此子向後走殺天下人在

○師在洞山栽松有劉翁者從師來偈師偈曰長長三尺餘鬱鬱覆荒草不知何代人得見此松老 劉翁得偈呈于洞山洞山曰賀翁

翁喜只此人是第三世也

師光住隨州土門小青林蘭若後果迴洞山接踵

○凡有新到僧先令般柴三轉然後叅堂有一僧不肯問曰三轉內即不問三轉外如何師曰鐵輪天子囊中肯僧無對師便打令去

○僧問昔年疾苦又中毒請師醫師曰金鏡撥破腦頂上灌醍醐曰恁麼即謝師醫師便打

○問久負不逢時如何師曰古皇尺一寸

○問請師答話師曰修羅掌於日月

○師上堂謂衆曰祖師宗旨今日施行法令已彰復有何事

○時有僧問正法眼藏祖祖同印未審和尚傳付何人師曰靈苗生有地大悟不存師

○問如何是道師曰迴牛尋遠澗曰如何是道中人師曰擁雪首揚眉

○問千差路別如何頓曉師曰足下背驪珠空然長天月

洛京白馬道儒禪師

問如何是衲僧本分事師曰十道不通風啞
子傳遠信曰傳什麼信師乃合掌頂戴

○問如何是密室中人師曰纔生不可得不貴
未生時曰是箇什麼不貴未生時師曰是汝
阿爺

○問三千里外嚮白馬及乎到來為什麼不見
師曰是汝不見千老僧什麼事曰請和尚指
示師曰指即切交涉

○問如何是學人本分事師曰
昨夜三更日正午

○問如何是法身向上事師曰

井裏蝦蟇吞却月

僧問黃龍如何是井底蝦

蟇吞却月黃龍云不柰何僧云恁麼即吞却

去也黃龍云一任吞僧云吞後如何黃龍云

好蝦蟇

○問如何是學人急切處師曰

俊鳥猶嫌鈍鶻然早已遲

○問如何是西來意師曰點額胡孫探月波
越州乾峯和尚或云瑞峯

問僧什麼處來曰天台師曰見說石橋作兩
段是否曰和尚什麼處得這消息來師曰
將謂華頂峯前客却是平田莊裏人

○問如何出得三界師曰
喚院主來趣出這僧着

○師問衆僧輪迴六趣具什麼眼衆無對

○問如何是超佛越祖之談師曰老僧問汝曰

和尚且置師曰老僧一問尚且不會問什麼
超佛越祖之談

吉州禾山和尚

僧問學人欲申一問師還答否師曰禾山答
汝了也

○問如何是西來意師曰禾山大頂

○問如何是和尚家風師曰滿目青山起白雲

明州天童山咸啓禪師先住蘇州寶華山

僧問如何是本無物師曰

石澗無含玉鑿異自生金

○伏龍和尚來師問什麼處來曰伏龍來師曰還伏得龍麼曰不曾伏這畜生師曰喫茶去

○簡大德問學人卓卓上來請師的的師曰我這裏一扃便了有什麼卓卓的的曰和尚恁麼對話更買草鞋行脚好師曰近前來簡近前師曰只如老僧恁麼對過在什麼處簡無對師便打

潭州寶蓋山和尚

僧問一間無漏舍合是何人居師曰

無名不挂體曰還有位也無師曰不處

○問如何是寶蓋師曰不從人天得曰如何是寶蓋中人師曰不與時人知僧曰佛來時如何師曰覓他路不得

○問切切時為什麼不立人師曰歸亦踏不着曰恁麼時如何成立師曰不與時人知

○問世界壞時此箇何處去師曰千聖尋不得曰時人如何歸向師曰直須似去曰還有的

也無師曰不立標則

益州北院通禪師

在夾山時一日夾山上堂曰坐斷主人公不
着第二見師出曰須知有一人不合伴夾山
曰猶是第二見師乃掀倒禪床曰夾山老兄
作麼生師曰待某甲舌頭爛即向和尚道

○異日師又問夾山曰目前無法意在目前不
是目前法非耳目之所到豈不是和尚語夾
山曰是師乃掀倒禪床叉手立地夾山起來

打一拄杖師便下去法照云是他掀倒禪床
何不便去須待夾山打一棒了去是什麼意

○師在洞山隨衆參請未契旨乃辭洞山直入
嶺去洞山曰善為飛猿嶺峻好看師沈吟良
久洞山曰通閣梨師應諾洞山曰何不入嶺
去師因此省悟更不入嶺師事於洞山時號

鑽頭通

○住後上堂示衆曰諸上座有什麼事出來論
量取若是上上根機不假如斯若是中下之

流直須團削門戶索索地莫教入泥水第一
速疾省事應須無心若不無心舉得千般萬
般只成知解與衲僧門下有什麼交涉僧問
如何是無心師曰不管繫

○問二龍爭珠誰是得者師曰得即失曰不失
如何師曰還我珠來

○問如何是清淨法身師曰無點污

○問轉不得時如何師曰功不到

○問如何是大富貴底人師曰如輪王寶藏曰

如何是赤窮底人師曰如酒店腰帶

○問水洒不着時如何師曰乾剝剝地

○問一槌便成時如何師曰不是偶然

○示滅後勅謚證真大師

高安白水本仁禪師

自洞山受記唐天復中遷止洪井高安白水
院衆盈三百玄言流播

因設洞山忌齋有僧問供養先師先師還來
也無師曰更下一分供養著

○洪州西山衆行者來禮拜問曰今日不為別
事乞師指示師曰汝諸人來指示即對曰是
師曰教我委付河誰

○鏡清行脚到師謂之曰時寒道者清曰不敢
師曰還有卧單得蓋否曰設有亦無展底功
夫師曰直饒道者滴水滴凍亦不干他事曰
滴水生冰事不相涉師曰是曰此人意作麼
生師曰此人不落意曰不落意此人那師曰
高山頂上無可與道者啗啄

○問如何是西來意師曰還見庭前杉檜樹否
曰恁麼即和尚今日因學人致得是非師曰
多口

○座主皎然去後師知是雪峯禪客乃曰盜法
之人終不成器 皎然後住長生山有僧問從
上宗乘如何舉唱然曰不可為闍梨荒却長
生山也玄沙聞之曰然師兄佛法即大行受
記之緣亦就矣厥後衆緣不借果如仁和尙
所記

○僧問如何是不遷義師曰

落花随流水明月上孤岑

○師將順世四衆俱集營齋聲鐘焚香白衆曰
香煙絕處是吾涅槃時也言訖跏趺而坐息
隨煙滅

撫州疏山光仁禪師

身相短陋精辯冠衆洞山門下時有齧鏃之
機激揚玄奧咸以仁為能詮量者諸方三昧
可以詢乎矧師叔

○僧問如何是諸佛師師曰何不問疏山老漢
僧無對

○師手握木蛇有僧問手中是什麼師提起曰
曹家女

○問如何是和尚家風師曰尺五頭巾曰如何
是尺五頭巾師曰圓中取不得

○師舉香嚴語問鏡清肯重不得全愆道者作
麼生會愆曰全歸肯重師曰不得全肯者作
麼生愆曰箇中無肯路師曰始慙病僧意

○因鼓山舉威音王佛師師乃問作麼生是威音王佛師鼓山曰莫無慙愧好師曰闍梨恁麼道即得若約病僧即不然曰作麼生是威音王佛師師曰不坐無貴位

○洞山第四世問如何是一句師曰不道曰為什麼不道師曰少時輩

○問恁麼時如何師曰

將軍不上便橋金牙徒勞拈筭

○問如何是直指師曰

珠中有水君不信擬向天邊問太陽

○冬至夜有僧上堂問如何是冬來意師曰

京中出大黃

○問和尚百年後向什麼處去師曰

背底芒叢四脚指天

○師遷化時有偈曰

我路碧空外

白雲無處開

世有無根樹

黃葉風送還

偈終而逝

又著四大等頌略華嚴長者論流傳于世

澧州欽山文邃禪師

福州人也少依杭州大慈山寰中禪師受業時巖頭雪峯在衆覩師吐論知是法器相率遊方二士緣契德山各承印記師雖屢激揚而終然凝滯

○一日問德山曰天皇也恁麼道龍潭也恁麼道未審德山作麼生道德山曰汝試舉天皇龍潭道底來師方欲進語德山以拄杖打昇

入涅槃堂師曰是即是打我大殺法眼別云是即是錯打我更有語句德山巖頭章出焉

○師後於洞山言下發解乃為洞山之嗣

○年二十七止于欽山對大衆前自省過舉初叅洞山時洞山問什麼處來師曰大慈來曰還見大慈麼師曰見曰色前見色後見師曰非前後見洞山默置師乃曰離師太早不盡師意

○問如何是祖師西來意師曰